



東漢會要卷第十七

奉議郎武學博士



封建上

封皇子

世祖初大司馬吳漢請封皇子不許重奏連歲建武十五年三月乃詔羣臣議大司空融固始侯通膠東侯復高密侯禹太常登等奉議曰古者封建諸侯以藩屏京師周封八百同姓諸姬並為建國夾輔王室專事天子享國永長為後世法故詩云大啓爾宇為周室輔高祖聖德光有天下亦務親封立兄弟諸子不違舊章陛下德橫天地興復宗統褒德賞勲親睦九族功臣宗室咸蒙封爵多受廣地

或連屬縣今皇子賴天能勝衣廷拜陛下恭謙克遜抑而未議羣臣百姓莫不失望宜因聖感夏吉時定號位以廣藩輔明親親尊宗廟重社稷應古合舊厭衆心臣請大司空上輿地圖太常擇吉日具禮儀制曰可夏四月戊申以太牢告祠宗廟丁巳使大司空融告廟封皇子輔為右翊公英為楚公陽為東海公康為濟南公蒼為東平公延為淮陽公荆為山陽公衡為臨淮公烏為左翊公京為卿邪公紀

明帝永平三年封皇子建為千乘王羨為廣平王十五年封皇子恭為鉅鹿王黨為樂成王衍為下邳王暢為汝南王炳為常山王長為濟陰王初帝案地圖將封皇子悉半

諸國明德馬后見而言曰諸子食數縣於制不已儉乎帝曰我子豈宜與先帝子等乎歲給二十萬足矣紀皇后

建初四年案輿地圖令諸侯戶口皆等祖八歲各八十萬

陳敬王傳

皇子封王其郡為國

詳見王國官屬

諸王封者受茅土歸以立社稷百官志

封宗室

土莽居攝欲慰安宗室故不被刑誅及莽篡位立劉氏為侯者皆降稱子食卿祿後皆奪爵城陽恭王傳

世祖建武二年十二月戊午詔曰惟宗室列侯為王莽所廢先靈無所依歸朕愍之其並復故國若侯身已歿屬所

上其子孫見名尚書封拜紀

十三年二月丙辰詔曰長沙王興真定王得河間王卬中山王茂皆襲爵為王不應經義其以興為臨湘侯得為真定侯卬為樂成侯茂為單父侯其宗室及絕國封侯者凡一百三十七人丁巳降趙王良為趙公太原王章為齊公魯王興為魯公紀

臣天麟按自昔聖王制世御極必建牧立監以蕃屏王室是以內外相維而國勢久安自秦人不師古始罷侯置守而封建之法始廢漢祖龍興取周秦之制而兼用之其亦有意於矯前世之弊矣惜其措慮不遠封爵過制中世以後尾大之勢浸成而遂兆吳楚七國之變斯

則措置之失而非封建之法不可行也故賈誼在文帝時建言欲天下治安莫若衆建諸侯而少其力至武帝世主父偃復請令諸侯得推恩分子弟以地武帝從之於是藩國始分而支庶乖戾列國之勢浸以銷弱終西都之世無復反者光武中興因高文疏爵之制封建宗室故齊武魯哀汝陰輩以功安成居巢甘里輩以親皆能乘時蹈運保有茅土藩翼王室至明章之世東平東海沛獻等各能謙抑令終為一代賢王其蹈憲綱者雖或有之然無西京九起之患光武之慮後世亦不遠乎

封先代後見賓禮

封孔子後見賓禮

封功臣

建武二年正月悉封諸功臣為列侯梁侯鄧禹廣平侯吳漢皆食四縣餘各有差下詔曰諸將業遠功大臣欲傳於無窮其顯効未酬名籍未立者大鴻臚趣上朕將差而錄之博士丁恭議曰古帝王封諸侯不過百里強幹弱枝所以為治也今封四縣不合法制帝曰古之忘國皆以無道未嘗聞功臣地多而戒忘者也乃遣謁者即授印綬策曰在上不驕高而不危制節謹度滿而不敬之戒之傳爾子孫長為漢藩陰卿侯陰識貴人之兄也以軍功當贈封識叩頭曰天下初定將帥有功者衆臣托屬掖庭仍加爵邑不可以示天下此為親戚受賞國人計功也帝從之帝

令諸將各言所樂皆占美縣河南太守丁綝獨求封本鄉或問其故綝曰綝能薄功微得鄉亭厚矣帝從其志封新安縣侯帝使郎中馮勤典諸侯封事勤差量功次輕重國士遠近執豐簿不相踰越莫不厭服焉

紀及列傳

十三年大饗將士班勞策勲功臣增邑更封凡三百六十

五人

本紀

范曄論曰中興二十八將前世以為上應二十八宿未之詳也然咸能感會風雲奮其智勇稱為佐命亦各志能之士也議者多非光武不以功臣任職至使 姿茂績委而勿用然原夫深圖遠筭固將有以焉爾 乃王道既衰降反霸德猶能授受惟庸勲賢皆 之迭升威世先

趙之同列文朝可謂兼通

謹世資職力至於翼

扶王運皆武人屈起

輕之徒或崇以

連城之賞或任以

執疑則隙生力侔則亂起蕭

樊且猶縲

見菹戮不其然乎自茲以降迄于孝

武宰世莫非公

之私下抱閔之怨其

無間委

何可

勝言故光武見前事之違存矯枉之

之高勳

景賈之鴻烈分土不過大縣數四所

朝請而已現

其治平臨政課職責咎將所

政齊之以刑者乎

若格之功臣其傷已甚

則虧思撓情則違

廢禁典選德則功

勞則或未賢參任則羣心

難塞並列則其

不得不校其勝否即以事相權故

高秩厚

乃峻文深憲責成吏職建武之世侯者

百餘

公者則與參國議分均休咎其餘並復以

寬

封祿莫不終以功名延慶于後昔留侯以為

高祖用蕭曹故人而郭伋亦訛南陽多顯鄭興又戒功

臣專任夫崇恩偏授易啓私濁之失至公均被必賢

之路意者不其然乎永平中顯宗追感前世乃圖畫

二十八將于南宮雲臺其外又有竇融卓茂合

三十二人故依其本第係之篇功臣之次云爾

太傅高密侯鄧禹

中山太守全椒侯

大司馬廣平侯吳漢

河南尹阜成侯

右將軍膠東侯賈復

瑯邪太守祝

建威大將軍好時侯景

驃騎

執金吾雍奴侯寇恂

積督將軍

征南大將軍舞陽侯岑彭

左曹合肥侯堅

征西大將軍夏陽侯馮異

上谷太守淮陽

建義大將軍高侯朱祐

信都太守阿陵

征虜將軍潁陽侯祭遵

豫章太守中

驃騎大將軍櫟陽侯景丹

右將軍槐里侯

虎牙大將軍安平侯蓋延

太常靈壽侯邳那

衛尉安成侯鈔期

驍騎將軍昌成侯劉

東郡太守東光侯景純

橫野大將軍山桑

城門校尉明陵侯臧宮

大司空固始侯李通

捕虜將軍楊虛侯馬武

大司空安豐侯竇融

驃騎將軍真侯劉隆

大傅宣德侯卓茂

錄功臣後

章帝建初七年車駕西循狩以韋彪行太常從數召入問

以三輔舊事禮儀風俗彪因建言今西循舊都宜追錄高

祖中宗功臣褒顯先勲紀其子孫帝納之乃制詔京兆尹

右扶風永蕭何霍光後時光無苗裔唯封何末孫熊為鄼

侯建初二年己封曹參後曹湛為平陽侯故不復及焉彪傳

和帝永元三年十一月詔曰高祖功臣蕭曹為首有傳世不

絕之義曹相國後容城侯無嗣朕望長陵東門見二臣之寵

循其遠節每有感焉忠義獲寵古今所同可遣使者以中
牢祠大鴻臚求近親宜為嗣者須景封紹封以章厥功紀
春秋考異郵曰夏至四
十五日景風至則封有

安帝永初六年下詔曰夫仁不遺親義不忘勞興滅繼絕
善上及子孫古之典也昔我光武受命中興恢弘聖緒橫
被四表昭假上下光耀萬世社祚流行垂於罔極予末小
子夙夜深思追惟勲烈披圖按籍建武元功二十八將佐
命虎臣識記有證蓋蕭曹紹封傳繼于今况此未遠而或
至乏祀朕甚愍之其條二十八將無嗣絕世若犯罪奪國
其子孫應當統後者分別狀上將及景風章叙舊德顯茲
遺功焉於是紹封馮異孫普子晨為平鄉侯明年二十八

將絕國者皆紹封焉

馮異傳案袁宏紀云封鄧
禹馮異等後九人為列侯

紹封

張純高祖父安世封富平侯純少襲爵土建武初先來詣
闕故得復國有司奏列侯非宗室不宜復國光武曰張純
宿衛十有餘年其勿廢更封武始侯食富平之半張純
傳
諸紹封者皆食其國半祖獨鄧康以太后戚屬三之二鄧
康傳

分封

廣平侯吳漢薨子哀侯成嗣為奴所殺建武二十八年分
漢封為三國成子且為濯陽侯以奉漢祀旦弟盱為筑陽
侯成弟國為新蔡侯

高密侯鄧禹薨帝分禹封為三國長子震為高密侯襲為
昌安侯珣為夷安侯

西平侯鄧弘薨子廣德嗣後以帝師之重分平西之都鄉
封廣德弟甫德為都鄉侯按西京無分封之例東都此類不一略率教條以為例

封公主子封

皇女封公主者所生之子襲母封為列侯馬定獲嘉公主子襲封獲嘉侯

馮奮平陽公主子襲封平陽侯此其類也皆傳國於後鄉亭之封則不傳襲百官志

宰相封

漢家舊制丞相拜日封為列侯侯霸

袁夢麟曰漢初丞相選用列侯至武帝用公孫弘起自

疎遠未有爵邑于是封平津侯丞相封侯自此始光武
中興尚仍前制伏湛代鄧禹大司徒封陽都侯湛免以
侯霸代之止封關內侯凡歷九年而薨帝始下詔曰漢
家舊制丞相拜日封為列侯朕以軍師暴露功臣未封
緣忠臣之義不欲相踰未及爵命奄然而終因追封霸
為鄉侯其比西京之制雖未鐫削亦淹緩矣自是之後
位三公者皆不復有茅土之封惟靈帝初陳蕃為太傅
錄尚書事實太后優詔封為高鄉侯蕃固辭不受自是
宰相封侯之制遂廢

外戚恩澤侯

建武十三年外戚恩澤封者四十五人紀

顯宗在位後宮之家不得封侯與政

紀

章帝建初元年欲封爵諸舅太后不聽明年夏大旱言事者以爲不封外戚之故有司因此上奏宜依舊典太后詔曰凡言事者皆欲媚朕以要福耳昔王氏五侯同日俱封其時黃霧四塞不聞靈雨之應又田蚡竇嬰寵貴橫恣傾覆之禍為世所傳故先帝防謹舅氏不令在樞机之位諸子之封裁令半楚淮陽諸國常謂我子不當與先帝子等今有司奈何欲以馬氏比陰氏乎吾為天下母而身服大練食不求甘左右俱著帛布無香薰之飾者欲身率下也以為外親見之當傷心自勅但笑言太后素好儉前過濯龍門上見外家問起居者車如流水馬如游龍倉頭衣綠

襦領袖正白顧視御者不及遠矣故不加譴怒但絕歲用而已冀以默愧其心而猶懈怠無憂國忘家之慮知臣莫若君况親屬乎吾豈可上負先帝之旨下虧先人之德重襲西京敗忘之禍哉固不許帝省詔悲歎復重請曰漢興舅氏之封侯猶皇子之為王也太后誠存謙虛奈何令臣獨不加恩三舅乎且衛尉年尊兩校尉有大病如今不諱使臣長抱刻骨之恨且及古時不可稽由太后報曰吾反覆念之思令兩善豈徒欲獲謙遜之名而使帝受不外施之嫌哉昔竇后太欲封王皇后之兄丞相條侯言受高祖約無軍功非劉氏不侯今馬氏無功于國豈得與陰郭中興之治等邪當富貴之家祿位重疊猶再實之木其根必

傷且人所以願封侯者欲上奉祭祀下求溫飽耳今祭祀則受四方之珍衣食則蒙御府餘資斯豈不足而必當得一縣乎吾計之熟矣勿有疑也夫至孝之行安親為上今數遭變異穀價數倍憂惶晝夜不安坐卧而欲先營外封違怒母之拳匕乎吾素剛急有胃中氣不可不順也若陰陽調和邊境清淨然後從子之志吾但當含飴弄孫不能復閱政矣四年天下豐稔方垂無事帝遂封三舅廖防光皆為列侯廖竒辭遜不得已受封爵而退

馬后紀

和帝元興元年追爵謚皇后父鄧訓為平壽敬侯司空陳寵以非舊典也太尉張禹司徒徐防以為宜封爭之連日乃從禹防議

袁記

威帝元嘉元年以梁冀有援立之功欲褒崇殊典乃大會公卿議其禮特進湖廣太常羊溥司隸校尉祝恬太中大夫邊詔等咸稱冀之勲德其制度賚賞宜比周公錫之山川土田附庸司空黃瓊獨建議曰冀前以親迎之勞增邑三千又其子亦加封賞昔周公輔相成王制禮作樂化致太平是以大啓土宇開地七百今諸侯以戶邑為制不以里數為限蕭何識高祖于泗水霍光定傾危以興國皆益戶增封以顯其功冀可比鄧禹合食四縣賞賜之差同於霍光朝廷從之

黃瓊及梁冀傳

延熹二年光祿勳陳藩以封爵踰制內寵愈盛上疏諫曰臣聞有事社稷者社稷是為有事人君者容悅是為今臣

蒙恩聖朝備位九列見非不諫則容悅也夫諸侯上象四
七垂耀在天下應分土藩屏上國高祖之約非功臣不侯
而聞追錄河南尹縣鄧萬世父尊之微功更爵尚書今黃
雋先人之絕封近習以非義授邑右左以無功傳賞授位
不料其任裂土莫紀其功至乃一門之內侯者數人故緯
象夫度陰陽謬序稼用不成民用不康臣知封事已行言
之無及誠欲陛下從是而止 蕃傳

威帝時恩澤侯以無勞受封羣臣不說而莫敢諫趙典獨
奏曰夫無功而賞勞者不勸上忝下辱亂象干度且高祖
之誓非功臣不封宜一切削免爵土以存舊典帝不從 趙
典傳

宦者封侯

和帝即祚幼弱而竇憲兄弟專摠權威內外臣僚莫由親
接所與居者唯閹宦而已故鄭衆得專謀禁中終除大憝
遂享茅土之封超登公卿之位于是中官始盛焉 宦者傳
按鄭衆

傳云衆首謀誅竇憲封
鄴鄉侯食邑千五百戶

延熹二年威帝以梁冀兄弟專固詔中常侍單超等收冀
及宗親黨典悉誅之封超新豐侯二萬戶徐璜武原侯具
授東武陽侯各萬五千戶左悺上蔡侯唐衡汝陽侯各萬
三千戶五人同日封故世謂之五侯又封小黃門劉普趙
忠等八人為鄉侯自是權歸宦官朝廷日亂矣 宦者傳
順帝陽嘉四年初聽中官得以養子為後世襲封爵 紀

靈帝時例封宦者以中常侍呂強為都鄉侯強辭遜懇惻固不敢當帝乃聽之因上疏曰臣聞諸侯上象四七下裂王土高祖重約非功臣不侯所以重大爵明勸戒也中常侍曹節王甫張遜等及侍中許相並為列侯節等官上祐薄品卑人賤諂諂媚主疾妬良忠而陛下不悟妄授茅土臣誠知封事已行言之無逮寔願陛下損改既謬從此一止呂強傳

臣天麟按東漢之季閹宦擅權直茅分虎布滿宮闈自朱穆抗言極諫而忠鯁之士相繼論列呂強身為中貴而能持論如此亦可以見是非之公在人心者不容滅也

東漢會要卷第十八

奉議郎武學博士臣徐天麟

封建下

列侯

列侯所食縣為侯國本注曰承秦爵二十等為徹侯金印紫綬以賞有功功大者食縣小者食鄉亭得其所食吏民後避武帝諱為列侯武帝元朔二年今諸王得推恩分衆子土國家為封亦為列侯舊列侯奉朝請在長安者位次三公中興以來唯以功德位特進者次車騎將軍賜位朝侯次五校尉賜位祠侯次大夫其餘以肺腑及公主子孫奉墳墓於都者亦隨時見會位在博士議郎下

百官志朝與
是為猥諸侯

閔內侯

承秦賜爵十九等為閔內侯無土寄食在所縣居 多少
各有戶數為限 百官志如淳曰列侯出閔就 侯但爵身
其有家累者與之 大之邑

爵

承秦爵十八級合閔內侯列侯為二十等 百官志

劉劭爵制曰古者天子寄軍政於六卿居則以 則以
戰秦依古制其在軍賜爵為等級其帥人皆 卒也有功
賜爵則有軍吏之例自一爵以上至不更四等皆士也大
夫以上至五大夫五等比大夫也九等依九命之義也自
左庶長以上至大庶長九卿之義也閔內侯者依古圻內

子男之義也秦都山西以閔內為王畿故曰閔內侯也列
侯者依古列國諸侯之義也然則卿大夫士下之品皆放
古比朝之制而異其名亦所以殊軍國也古者以車戰兵
車一乘步卒七十二人分翼左右車大夫在左御者處中
勇士居右凡七十五人一爵曰公士者步卒之有爵為公
士者二爵曰上造之成也古者成士升於司徒曰造土雖
依此名皆步卒也三爵曰簪褭御駟馬者要褭古之名馬
也駕駟馬者其形似簪故曰簪褭也四爵曰不更者為車
右不復典凡更卒同也五爵者大夫者在車左者也
六爵為官大夫七爵為公大 八爵為公乘九爵為五大
夫皆軍吏也吏民爵不得過公乘者得賞與子若同產然

則公乘者軍吏之最高者也雖非臨戰得公則車故曰公乘也十爵為左庶長十一爵為右庶長十二爵為左更十三爵為中更十四爵為右更十五爵為少上造十六爵為上造十七爵為駟車庶長十八爵為大庶長十九爵為閭內侯二十爵為列侯自左庶長已上至大庶長皆卿大夫皆軍將也所將皆庶人更卒也故以庶更為名大庶長即大將軍也左右庶長即左右偏裨將軍也

王侯號

百官志注

靈壽王	<small>彭城靖王王未有國邑取其美名</small>	封賜號靈壽
重熹王	<small>樂成靖王未封</small>	承義侯
成義侯	<small>梁純</small>	奉義侯
		<small>景州</small>

輔義侯	<small>庫鈞</small>	扶義侯	<small>辛彤</small>	助義侯	<small>竺曾</small>
褒義侯	<small>史苞</small>	褒親侯	<small>吳翁</small>	褒德侯	<small>卓茂</small>
歸德侯	<small>劉颯</small>	褒成侯	<small>孔孔信</small>	顯親侯	<small>竇友</small>
建策侯	<small>吳漢</small>	建功侯	<small>蓋延</small>	宣恩侯	<small>陰陸</small>
討姦侯	<small>杜習</small>	折姦侯	<small>燕廣</small>	征羗侯	<small>來歙</small>
破虜侯	<small>馮沈</small>	不義侯	<small>蒼頭子密</small>	破羗侯	<small>榆鬼</small>
率眾王	<small>烏倫</small>	率眾侯	<small>其至</small>		

臣天麟按漢世封侯皆以縣邑其後或以鄉亭皆視其所食之邑而名之至于功名顯著則有特加美名者西都信武冠軍富民博陸之類是也東漢因之時有美號至于彭寵蒼頭以奴殺主而封之不義侯夫果不義則

不應封爵使其功可封則非可言不義矣光武於是失之

特進侯

高密侯鄧禹以特進奉朝請

固始侯李通上大司空印綬以特進奉朝請

夷安侯鄧康以病免加位特進

賈復以列侯就第加位特進

小侯

四姓小侯

明帝永平九年為四姓小侯立學校注云四姓謂外戚樊氏郭氏陰氏馬氏諸子弟以非列侯

故曰小侯按顏氏家訓謂以幼年獲封故曰小侯

鄧禹少子鴻好籌策永平中以為小侯

本傳

四姓及梁鄧小侯

威紀建和二年賜帛

馬鉅為常從小侯

馬防傳

王主

漢制諸王女皆封鄉亭公主儀服同鄉亭侯肅宗唯特封

東平憲王蒼瑯邪孝王京女為縣公主

婦人封號

顯宗時東海王彊上疏言天恩愍哀以臣無男之故處臣

三女小國侯

本傳注云即婦人封侯也若呂后之妹呂須封為臨光侯蕭阿夫人封鄧侯之類

安帝永初元年爵皇太后母陰氏為新野君

紀

安帝乳母王聖封野王君

來歷傳

延光元年追尊閻皇后母宗為榮陽君

續漢志曰婦人封君儀比公主油捷

輅車帶綬以朱組為緄帶各如其綬色黃金辟邪加其首為帶

順帝爵號阿母宋娥為山陽君五行志

初順帝廢為濟陰王乳母宋娥與黃門孫程等共議立帝帝後遂封娥為山陽君邑五千戶尚書令左雄上封事曰夫裂土封侯王制所重誠不宜追錄小恩虧失大典案尚書故事無乳母爵邑之制唯先帝時阿母王聖為野王君造生諛賊今阿母躬蹈儉約而與王聖同爵號懼違本操乞歲以千萬給奉阿母帝卒封之傳

陽嘉二年有地動山崩之異李固對策曰前孝安皇帝變亂舊典封爵阿母今宋阿母雖有大功但加賞賜足以酬其勞苦至於裂土開國室乖舊典順帝覽其對即時出阿

母还第舍傳

順烈梁皇后母追封開封君五行志

威帝永興中封鄧皇后母宣為長安君四年更為昆陽君

靈帝封何皇后母吳為舞陽君后紀

建寧二年爵號乳母趙嬈為平氏君袁紀

梁冀為大將軍或言冀有周公之功其妻宜為邑君詔遂封冀妻孫壽為襄城君兼食陽翟租歲入五十萬冀一門夫人女食邑稱君者七十梁冀傳

四夷國

四夷國王率眾王歸義侯邑君邑長皆有丞比郡縣百官志

位次

烈侯封邑大小不同而其位序則與公卿相配按靈思何
后紀注大縣侯位視三公小縣侯位視卿卿亭侯視中
二千石蓋中二千石即九卿秩耳然百官志云舊列侯奉
朝請在長安者位次三公中興以來惟以功德賜泣特進
者次車騎將軍賜位朝侯次五校尉賜位特詞侯次大夫
其餘以肺附及公主子孫奉墳墓於京師者亦隨時見會
位在博士議郎下而鄧禹傳注復云諸侯功德優盛朝廷
所敬者位特進在三公下其次朝侯在九卿下是三者前
後參錯未知孰正也

以紀傳脩

戶邑

太子食湯沐邑十縣

班彪傳

永平十五年明帝按地圖將封皇子悉半諸國馬后見而
言曰諸子食數縣於制不已儉乎帝曰我子豈宜與先帝
子等乎歲給二十萬足矣

明德馬后傳

列侯所食縣為侯國公主所食湯曰沐國

百官志

臣天麟按西都之制列侯封君食租稅歲率戶二百千
戶之君則二十萬至封戶多寡之目則初無定制特視
其功之大小以加之霍光封博陸侯所食才二萬霍去
病封冠軍侯所食萬七千七百餘至後漢梁冀所食至
三萬戶視西都為益廣矣

國租

明帝封諸子租歲不過二十萬

孝明八論

肅宗按輿地圖令諸國戶口皆寺租入歲各八千萬陳敬王傳

順帝永和六年詔貸王侯國租一歲

漢安二年又貸王侯國租一歲

成帝延熹四年貸王侯半租

五年損王侯租以助軍糧出濯龍藏錢還之並紀

諸紹封者皆食故國半租鄧禹孫康襲父爵以太后戚屬

獨三分食二鄧禹傳

茅工

諸王封者皆受茅土歸以立社稷禮也百官志曰天子大社封

諸侯者取其土苞白茅受之以立社其國故謂之受茅土

漢興唯皇子封為王者得茅七其他功臣以戶數租入為

節不受茅土

不立註也

朝賀

列土特進朝侯賀正月執璧百官志

大夫無負掌奉王使至京都奉璧賀正月上

北海敬王睦歲終遣中大夫奉璧朝賀北海王興傳

中元元年春正月東海王疆沛王輔楚王英濟南王康淮

陽王延趙王盱皆來紀下同

明帝永平二年九月沛王輔楚王英濟南王康淮陽王延

車海王政來朝

六年正月沛王輔楚王英東平王蒼淮陽王延琅邪王京

東海王政趙王盱北海王興齊王石來朝

十一年正月沛王輔楚王英濟南王康東平王蒼淮陽王

延中山王烏琅邪王京東海王改來朝

肅宗建初七年正月沛王輔濟南王康東平王蒼中山王烏東海王政琅邪王宇來朝

東平王上疏請詔諸王朝各賜裝錢千萬東平王加五百

萬表紀

安帝延光三年齊王無忌北海王普樂安王延來朝紀

朱暉辟東平王府正月朔旦蒼當入賀故事少府給璧是時陰就為府卿驕貴吏傲不奉法蒼坐朝堂漏且盡而求璧不可得顧謂掾屬曰若之何暉望見少府主簿持璧即往給之曰我數聞璧而未嘗見請試觀之主簿以授暉顧召令史奉之主簿大驚遽以白就曰朱掾義士勿復

求更以他璧朝蒼既罷召暉謂曰屬者掾自視孰典蘭相

如帝聞狀之朱暉傳

奉朝請

鄧騭兄弟俱以列侯奉朝請

按漢制列侯在京師無職位皆以奉朝請為名

鄧晨以西華侯奉朝請並本傳

就國

建武六年始遣列侯就國紀

肅宗性寬仁而親之思篤故叔父濟南中山二王每數入朝特加恩寵及諸昆弟並留京師不遣就國宋意以為人臣有節不宜踰禮過恩乃上疏諫曰陛下至孝烝之思愛隆深以濟南王康中山王焉先帝昆弟特蒙禮寵聖情

恣：不忍遠離比年朝見久由京師崇以叔父之尊同之家人之禮車入殿門即席不拜分其損膳賞賜優渥昔周公懷聖人之德有致太平之功然後王曰叔父加以賜帛今康烏幸以支庶享食大國陛下即位蠲除前過還所削黜衍食它縣男女少長並受爵邑恩寵踰制禮敬過度春秋之義諸父昆弟無所不臣所以尊：卑：疆幹弱枝者也陛下德業隆盛當為萬世典法不宜以私恩損上下之序失君臣之正又西平王羨等六王皆妻子成家官屬倍具當早就蕃國為子孫基址而室第相望久磐京邑婚姻之盛過于本朝僕馬之衆充塞城郭驕奢僭擬寵祿隆過今諸國之封並皆膏腴風氣平調道路夷近朝聘有期行

來不難且割情不忍以義斷恩發遣康烏今歸蕃國今羨等速就便時以塞衆望帝納之宋意傳

和帝即位陳王羨彭城王恭樂成王党下邳王衍梁王暢

始就國

建初二年章帝不忍典諸王乖離皆由京師今遣之國

殤帝延平元年清河王慶濟北王壽河間王開常山王章

始就國

並紀

王國官屬

皇子封王其郡為國置傅一人相一人皆二千石本注曰傅主尊王以善礼如師不臣也相如太守有長史如郡丞漢初立諸王因項羽所立諸王之制地既實篤封鄙侯進位特進得與

鄧騭封上蔡侯位

特進

竇固封顯親侯加位特

進

馬廖馬防馬光皆封列侯以

樊宏拜光祿大夫位特進次

始封長
羅侯

陰識封陰鄉侯拜執金吾位特

陰就封

新陽侯為少府位特進

梁棠梁雍梁

翟梁商俱封列侯

宋雋封錢塘侯加位

特進名本
傳

後漢皇后父兄率為特進

侯朝

臣天麟按鄧騭傳云騭兄弟

公下

特進侯上注云在特進

也按百官

志云列侯以功德明

將軍則此所謂

特進侯者蓋

者耳

侍祠侯猥諸
侯

富平侯張奮來朝顯宗以為侍祠

鄧禹孫

康以侍祠侯為越騎校尉

功德優盛朝廷

所敬者位特進在

九卿下其次侍祠侯其

次下土小國

子孫奉墳墓於京師亦隨時朝

東漢會要卷第十八

東漢會要卷第十九

奉議郎武學博士臣徐天麟

職官一

總叙

漢之初興承繼大亂兵不及戢法度草創略依奉後嗣
因循至景帝感吳楚之難始抑損諸侯王及武帝多所
改作然而奢廣民用匱乏世祖中興務節約并官省職
費減億計所以補復殘缺及身未改而四海從風中國安
樂者也昔周公作周官分職著明法度相持王室雖微猶
能以存今其遺書所以觀周室牧民之德既至又其有益
來事之範殆未有所窮也故新汲令王隆作小學漢官篇

諸文個說較略不究唯班固著百官公卿表記漢承秦置官本末訖于王莽差有條貫然皆孝武奢廣之事又職分未悉世祖節約之制宜為常憲故依其官簿粗注職分以為百官志凡置官之本及中興所省無因復見者既在漢書百官表不復悉載

百官志

太傅

太傅上公一人本注曰掌以善導無常職世祖以卓茂為

太傅薨因省其後每帝初即位輒置太傅錄尚書事薨輒

省章紀注云武帝以張子孺領尚書事錄尚書事由此始

錄尚書事趙熹鄧彪張禹馮石馮魴巨烏趙浚陳蕃胡廣

太尉太尉司徒司空為三公

太尉公一人本注曰掌四方兵事功課歲盡即奏其殿最而行賞罰凡郊祀之事掌亞獻凡國有大造大疑則與司徒司空通而論之國有禍事則與二公通諫爭之世祖即位為大司馬建武二十七年改為太尉長史一人千石本注曰書諸曹事掾史屬二十四人本注曰漢舊注東西曹掾比四百石餘掾比三百石屬比二百石故曰公府掾比古元士三命者也或曰漢初掾史辟皆上言之故有秩比命士其所不言則為百石屬其後皆自辟除故通為百石云西曹主府史選用東曹主二千石長史遷除及軍吏戶曹主民戶祠祀農桑奏曹主奏議事辭曹主辭訟事法曹主郵驛科程事尉曹主卒徒轉運事賊曹主盜賊事決曹

主罪法事兵曹主兵事金曹主貨幣鹽鐵事 曹主倉穀
事黃閣主簿錄省衆事令史及御屬二十三人本注曰漢
曰注公令史百石自中興以後注不說石數御屬主為公
御閣下令史主閣下威儀事 空令史主上章表報書記
門令史主府 其餘令 各典曹文書

錄尚書事

年融 朱寵

尹睦 劉光

徐防 寵參

劉李

胡廣 楊彪

周忠

在外除拜

中平三年遣使者持節就張溫為太尉三公在外

司徒

司徒公一人本注曰掌人民事凡教民孝悌遜順謙儉養
生送死之事則議其制建其度凡四方民事功課歲尽則
奏其殿最而行賞罰凡郊祀之事掌省牲視濯凡國有大

疑大事與太尉同世祖即位為大司徒建武二十七年去
大獻帝建安十三年長史一人千石掾屬二十一人令史
及御屬三十六人本注曰世祖即位以武帝故事置丞相
司直居丞相府助督錄諸州建武十八年省也獻帝建安十八年復
置司直司直不屬司徒掌督中都官不領諸州九年十一月
詔司直司隸校尉坐同席在上假傳置從事三人書佐
人四

錄尚書事

趙取

胡廣

王允

淳于嘉

趙溫

司徒府中有百官朝會殿天子與丞相決大事每國有
大議天子車駕親幸其殿每歲州郡聽採長吏臧否民
所疾苦逐條奏之志注

司空

司空公一人本注曰掌水土事凡營城起邑浚溝洫脩墳防之事則議其利建其功凡四方水土功課歲盡則奏其殿最而行賞罰凡郊祀之事掌掃除樂器凡國有大造大疑諫爭與太尉同世祖即位為大司空建武二十七年去大屬長史一人千石掾屬二十人令史及御屬四十二人獻帝建安十三年罷司空置御史大夫荀綽百注曰錄尚書事楊彪

三公雜錄

後漢唯有太傅一人謂之上公及有太尉司徒司空而無師保董卓盜為太尉公主天部太常衛司徒公主人太僕鴻胥司空公主地部宗正少而分部九卿蓋多以九卿廷尉

為之若天地灾變則皆冊免自太尉徐防始為後漢本制灾變唯免

漢制三公不與盜賊若領兵入見皆交戟叉頸而前使虎責執

月扶也朝臣見三公皆拜天子御坐即起在輿為下凡拜公

天子臨軒六百石以上悉會直事卿贊拜御史授印綬三

遜然後受至安帝時三府任簿選舉誅賞一由尚書其灾

眚變咎則責免公台靈帝臨朝始遣使者就長安拜張温

為太尉三公在外自此始也至獻帝建安十三年乃罷三公官通典

漢世故事三公之職無所不統楊秉傳

光武明帝躬好吏事亦以課覈三公朱浮傳

光武雖置三公事歸臺閣

仲長統傳臺閣謂尚書也

漢典舊事丞相所請靡有不聽

陳忠傳

三公領兵朝見令虎賁執勾挾之

伏后紀

故事三公不與盜賊

何敞傳

三公以灾異策免自徐防始

本傳

順帝永建元年初令三公尚書入奏事

紀

三公尊重是以旧典不有大罪不加重問

司隸校尉不察三公

陳允傳詳見刺舉條

獻帝建安十三年六月罷三公官置丞相御史大夫

紀

將軍

自大傳至將軍為五府

將軍不常置本注曰掌征伐背叛比公者四第一大將軍

次驃騎將軍次車騎將軍次衛將軍又有前後左右將軍

初武帝以衛青數征伐有功以為大將軍欲尊寵之以古

尊官唯有三公皆將軍始自秦晉以為卿號故置大司馬

官號以冠之其後霍光王鳳等皆然成帝綏和元年賜大

司馬印綬罷將軍官世祖中興吳漢以大將軍為大司馬

景丹為驃騎大將位在公下及前後左右雜號將軍衆多

皆主征伐事訖皆罷明帝初即位以弟東平王蒼有賢才

以為驃騎將軍以王故位在公上數年後罷章帝即位西

羌反故以舅馬防行車騎將軍征之還後罷和帝即位以

舅竇憲為車騎將軍征匈奴在公下還復有功遷大將軍

位在公上復征西羌還免官罷安帝即位西羌寇亂復以

勇鄧騭為車騎將軍征之還遷大將軍位如憲數年復罷
自安帝政治衰缺始以嫡勇景室為大將軍常在京都順
帝即位又以皇后父兄相繼為大將軍如三公為長史司
馬皆一人千石本注曰司馬主兵如太尉從事中郎二人
六百石本注曰職參謀議掾屬二十九人令史及御屬三
十六人本注曰此皆府員職也又賜官騎三十人及鼓吹
其領軍皆有部曲大將軍營五部；校尉一人比二千石
軍司馬一人比千石部下有曲；有軍候一人比六百石
曲下有純；長一人比二百石其不置校尉部但軍司馬
一人又有軍候司馬候皆為副貳其別營領屬為別部
司馬其兵多少各隨時宜門有門候其餘將軍置以征伐

無員職亦有部曲司馬軍候以領兵其職吏部集各一人
總知營事兵曹掾史主兵事器械稟假掾史主稟假禁司
又置外刺；姦主罪法明帝初置度遼將軍以衛南單于
衆新降有二心者後數有不安遂為常守

大將軍錄尚書事

梁冀

竇武

何進

十日一入平尚書事

梁冀

建威大將軍

景奔

建威將軍

景尋

建義大將軍

朱祐

振威將軍

宋登
馬武

疆弩大將軍

陳俊

疆弩將軍

陳俊

虎牙大將軍

蓋延

積弩將軍

楊愔
傅俊

征南大將軍

岑彭

積射將軍

焦進

征西大將軍 馮異

征西將軍 景柔 馮異

河西大將軍 竇融

征虜將軍 祭遵

西河大將軍 竇

誅虜將軍 劉隆 王霸

橫野大將軍 王常

捕虜將軍 馮武

驍騎將軍 劉振 樊禦 劉喜

威虜將軍 馮駿

越騎將軍 劉宏

討虜將軍 王霸

復漢將軍 鄧曄

破虜將軍 鄧奉 賈復 董

輔漢將軍 于康

破姦將軍 侯進

輔威將軍 臧宮

刺姦將軍 祭遵

武威將軍 劉尚

游擊將軍 鄧隆

武鋒將軍 竺魯

樓舡將軍 段志

平狄將軍 龐萌 朱

孟津將軍 馮異

赤眉將軍 景訢

都護將軍 賈復

中堅將軍 杜茂

揚化將軍 堅鐔

宣德將軍 梁統

忠義將軍 陸康

伏波將軍 馮援

揚威將軍 馮成

漢中將軍 王常 或作漢中 譔也

威寇將軍 楊茂

度遼將軍 明帝已後 常置

偏將軍 王霸

盪寇將軍 周盛 見董卓傳

吳義將軍 楊奉

安集將軍 董承

太常 府自太常 九卿 父

太常卿一人中二千石本注曰掌禮儀祭祀每祭祀先奏

其禮儀及行事常贊天子每選試博士奏其能否大躬養
老喪皆奏其禮儀每月前晦察行陵廟丞一人比千石
本注曰掌凡行礼及祭祀小事總著曹事其著曹掾史隨
事為自諸卿皆然

太史令一人六百石本注曰掌天時星曆凡歲將終奏新
年曆凡國祭祀喪娶之事掌奏良日及時節禁忌凡國有
瑞應災異掌記之丞一人明堂及靈臺丞一人二百石本
注曰二丞掌守明堂靈臺靈臺掌候日月星辰皆屬太史
博士祭酒一人六百石本僕射中興轉為祭酒博士十四
人比六百石本注曰易四施孟梁立京氏尚書三殿陽大
小夏侯氏詩三魯齊韓氏禮二大小戴氏春秋二公羊嚴

顏氏掌教弟子國有疑事掌承問對本四百石宣帝增秩

秘書監威紀延熹二年置

校書郎竇章入東觀為校書郎馬融并校書郎中

東觀郎李盛為東觀郎見李尤傳

五經大夫祭遵奏置五經大夫見本傳

講郎儒林傳肅宗詔高才主受古文尚書毛詩穀梁左氏春秋雖不立李官然皆擢高第為講郎給

事近著

太祝令一人六百石本注曰凡國祭祀掌讀祝及迎送神
丞一人本注曰掌祝小神事

太宰令一人六百石本注曰掌宰土鼎俎饌具之物凡國
祭祀掌陳饌具丞一人

大予樂令一人六百石本注曰掌伎樂凡國祭祀掌請奏樂及大饗用樂掌其陳序丞一人

高廟令一人六百石本注曰守廟掌案行掃除無丞世祖廟令一人六百石本注曰如高廟

先帝陵每陵園令各一人六百石本注曰掌守陵園案行掃除丞及校長各一人本注曰校長主兵戎盜賊事先帝陵每陵食官令各一人六百石本注曰掌望晦時節祭祀

右屬太常本注曰有祠祀令一人後轉屬少府有太卜令六百石後省并太史中興以來省前凡十官

光祿勳

光祿勳卿一人中二千石本注曰掌宿宮門殿戶典謁著

郎更直執戟宿衛門戶考其德行而進退之郊祀之事掌三獻丞一人比千石

五官中郎將一人比二千石本注曰主五官郎五官中郎比六百石本注曰無負

五官侍郎比四百石本注曰無負

五官郎中比三百石本注曰無負凡郎官皆主更直執戟宿衛諸殿出充車騎唯議郎不在直中

左中郎將比二千石本注曰主左著郎中郎比六百石侍郎比四百石郎中比三百石本注曰皆無負

右中郎將比二千石本注曰主右著郎中郎比六百石侍郎比四百石郎中比三百石本注曰皆無負虎賁中郎將

比二千石本注曰主虎賁宿衛

前書武帝置期門左右僕

射左右陞長各一人比六百石本注曰僕射主虎賁即習

射陞長主直虎賁朝會在殿中

虎賁中郎比六百石虎賁侍郎比四百石虎賁郎中比三

百石荀綽晉百官表注曰虎賁節從虎賁比二百石本注

曰皆無負掌宿衛侍從自節從虎賁久者轉迂才能差高

至中郎羽林中郎將比二千石本注曰主羽林郎案漢末

中郎將皆帥師征伐不知何時置董卓為東中郎將盧植為北中郎將獻帝以曹操為南中郎將

羽林郎比三百石本注曰無負掌宿衛侍從常遙漢陽隴

西安定北地上郡西河凡六郡良家補本武帝以便馬從

獵還宿殿陞巖下室中號巖郎前書曰初置名建章營騎後更名

羽林左監一人六百石本注曰主羽林左騎丞一人羽林

右監一人六百石本注曰主羽林右騎丞一人奉車都尉

比二千石本注曰無負掌御乘輿車

駙馬都尉比二千石本注曰無負掌駙馬

騎都尉比二千石本注曰無負本監羽林騎

光祿大夫比二千石本注曰無負凡大夫議郎皆掌顧問

應對無常事唯詔命所使

太中大夫千石本注曰無負

中散大夫六百石本注曰無負

諫議大夫六百石本注曰無負胡廣曰光祿大夫本為中大夫武帝元狩五年置諫

大夫為光祿大夫世祖中興以為諫議大夫

議郎六百石本注曰無負

謁者僕射一人比千石本注曰為謁者臺率主謁者天子

出奉引古重習武有主射以督錄之故曰僕射常侍謁者

五人比六百石本注曰主殿上時節威儀謁者三十人其

給事謁者四百石其灌謁者即中比三百石本注曰掌賓

贊受事及上章報問本負七十人中與但三十人荀、綽、晉

注曰漢皆用孝廉年五十歲威容嚴恪能賓者為之

初為灌謁者滿歲為給事謁者灌謁者解見雷義傳

右屬光祿勳本注曰職屬光祿者自五官將至羽林右

監凡七著自奉車都尉至謁者以文屬焉舊有左右曹

秩以二千石上殿中主受尚書奏事平省之世祖省使

小黃門即受事車駕出給黃門即兼有請室令車駕出

在前請所幸微車迎白示重謹中與但以即兼事訖罷

又省車戶騎凡三將及令

衛尉

人中二千石本注曰掌宮門衛士宮中微

人比千石

司馬令一人六百石本注曰掌宮南闕門凡吏章四

方貢獻及召詣公車者丞尉各一人本注

尉主闕門兵禁戒非常

本注曰掌南宮衛士丞一

石本注曰掌北宮衛士丞

本注曰主劍戟士徽

宮掖門每門司馬

屯司馬主平城門北宮

司馬主元武門北屯司馬

掖門東明司馬主東門朔平

居宮中者皆有口籍於門之

文符案省符乃內之若外人

封禁傳其有官位出入令御

官

衛尉

中興省旅賁令衛士一人丞漢官

目錄曰
卿太尉

大

大僕卿一人中二千石本注曰掌車馬天子每出奏駕上

鹵簿用大駕則執馭丞一人比千石考工令一人六百石

本注曰主作兵器弓弩刀鎧之屬成則傳執金吾入武庫

及主織綬諸雜工左右丞各一人

車府令一人六百石本注曰主乘輿諸車丞一人

未央殿令一人六百石本注曰主乘輿及殿中諸馬長樂

殿丞一人

右屬太僕本注曰舊有六殿皆六百石令中興省約但

置一殿後置左駿今殿別主乘輿御馬後或并省又有

牧師苑皆令官主養馬分在河西六郡界中：與皆省

唯漢陽有流馬苑但以羽林郎監領

廷尉

廷尉卿一人中二千石本注曰掌平獄奏當所應凡郡國
讞疑罪皆處當以報正左監各一人左平一人六百石本
注曰掌平決詔獄

右屬廷尉本注曰孝武帝以下置中都官獄二十六所
各令長名世祖中興皆省唯廷尉及雒陽有詔獄

大鴻臚

大鴻臚卿一人中二千本注曰掌諸侯及四方歸義蠻夷
其郊廟行礼贊導請行事既可以命羣司諸王入朝當郊
迎典其禮儀及群國上計正四方來亦屬焉皇子拜王贊

授印綬及拜諸侯嗣子及四方夷狄封者臺下鴻臚召拜
之王薨則使弔之及拜王嗣丞一人比千石
大行令一人六百石本注曰主諸郎丞一人
右禮郎四十七人

右屬大鴻臚本注曰承秦有典屬國列主四方夷狄朝
貢侍子成帝時省并大鴻臚中興省驛官別火二令丞
及郎郎長丞但令郎治郎郎

宗正

漢官目錄曰右
三卿司徒所部

宗正卿一人中二千石本注曰掌序錄王國嫡庶之次及
諸宗室親屬遠近郡國歲因計上宗室名籍若有犯當髡
以上先上諸宗正宗正以聞乃報決

胡廣曰又歲一治諸
王世差序秩第

丞一人比千石諸公主每主家令一人六百石丞一人三百石本注曰其餘屬吏增減無常

右屬宗正本注曰中興省都司空令丞

大司農

大司農卿一人中二千石本注曰掌諸錢穀金帛諸貨幣郡國四時上月旦見錢穀簿其逋未畢具各別之遠郡諸官請調度者皆為報給損多益寡取相給足丞一人比千石部丞一人六百石本注曰部丞主帑藏

太倉令一人六百石本注曰主受郡國傳漕穀丞一人平準令一人六百石本注曰掌知物賈主練染作采色丞一人人 使 靈 帝 熹 平 四 年 改 為 中 準 使 官 者 為 令 列 于 內 庭

導官令一人六百石本注曰上春御米及乾作糝導擇也丞一人

右屬大司農本注曰郡國監官鐵官本屬司農中興皆屬郡縣又有廩犧令六百石掌祭祀犧牲鴈鶩之屬及雒陽市長滎陽教倉官中興皆屬河南尹餘均輸等皆省

少府

少府卿一人中二千石本注曰掌中服御諸物衣服室貨珍膳之屬丞一人皆千石

大醫令一人六百石本注曰掌諸醫藥丞方丞各一人本注曰藥丞主藥方丞主藥方

大官令一人六百石本注曰掌御飲食左丞其丞湯官丞
果丞各一人本注曰左丞主飲食其丞主膳具湯官丞主
酒果丞主果

守宮令一人六百石本注曰主御紙筆墨及尚書財用諸
物及封泥丞一人

上林苑令一人六百石本注曰本苑中禽獸頗有民居皆
主之捕得其獸送大官丞尉各一人侍中比二千石本注

曰無負掌侍左右贊導眾事顧問應對法駕出則多識者
一人參乘餘皆騎在乘輿車後本有僕射一人中興轉為

祭酒或置或否獻帝紀注漢官儀曰侍中左蟬右貂本秦
丞相史往來殿內故謂之侍中掌乘輿服

物下至襲虎子之屬武帝時孔安國為侍中以其中掌乘輿服
聽掌御唾壺朝廷榮之至東京屬少府駕則一人負傳

國璽操斬蛇劍乘輿中官俱止侍中曰
典與中官俱止禁中武帝

侍中出禁外有事乃入秉政侍中復入典中
官共止帝章元和中

奉伏誅侍中由典後宮通技佩刀驚上
是復出外

中常侍千石本注曰官者無負後增秩比二十石掌侍左
右從入宮內贊導眾事顧問應對

給事黃門侍郎六百石本注曰無負掌侍從左右給事中
關通中外及諸王朝見於殿上引王就坐漢曰儀曰黃門
即屬黃門令曰

暮入對青瑣門拜名曰夕即宮閣簿青瑣門在
漢注吳都賦曰青瑣戶邊青鏤也一曰天門內有眉格再
重東青畫曰瑣獻帝起居注曰帝初即位初置侍中給事
黃門侍郎負各六人出入禁中近侍帷幄省尚書事故曰
侍中黃門侍郎即典在中宮者不與近密交政誅黃門後侍
中侍郎出入禁闈執事頗露由是王允乃奏比尚書不得
出入不通賓客自此始也

獻帝即位初令侍中給事黃門侍郎負各六人賜公卿
以下至黃門侍郎家一人為郎以補宦官所領諸曹侍於
殿上本紀靈帝建元四年改平準使宦者為令自是諸
內曹令丞悉以奄人為之故今並令士人代領之

小黃門六百石宦者無負掌侍左右受尚書事上在內宮
闕通中外及中宮已下衆事

黃門令一人六百石董巴曰禁門曰黃闥以申
人主之故號曰黃門令

本注曰宦者主省中諸宦者丞各一人本注曰宦者從丞
主出入從

黃門著長畫室著長王堂著長各一人丙著長七人皆四
百石黃綬本注曰宦者各主中宮別處

中黃門冗從僕射一人六百石本注曰宦者主中黃門冗

從居則宿衛直守門戶出則騎從夾乘輿車安帝永初元
年詔減黃門

鼓吹以補
羽林士

中黃門比百石本注曰宦者無負後增比三百石掌給事

禁中掖庭令一人六百石本注曰宦者掌後宮貴人采女

事左右丞暴室丞各一人本注曰宦者暴室丞主中婦人

疾病者就此室治其皇后貴人有罪亦就此室永巷令一

人六百石本注曰宦者典官婢侍使丞一人本注曰宦者

御府令一人六百石本注曰宦者典官婢作中衣服及補

浣之屬丞織室丞各一人本注曰宦者

祠祀令一人六百石本注曰典中小祠祀丞一人本注曰

宦者鈞盾令一人六百石本注曰宦者典諸近池苑園遊

觀之處丞永安丞各一人三百石本注曰宦者永安北宮
東北別小宮各有園觀苑中丞果丞鴻池丞南園丞各一
人二百石本注曰苑中丞主苑中離宮果丞主果園鴻池
池名有雒陽東二十里南園在雒水南濯龍監直里監各
一人四百石本注曰濯龍亦園名近北宮直里亦園名也
在雒陽城西南角

中藏府令一人六百石本注曰掌中幣帛金銀諸貨物丞一
人內者令一人六百石本注曰堂中布張諸衣物左右各
一人

尚方令一人六百石本注曰掌上手工御刀劍諸好器
物丞一人

尚書令一人千石本注曰承秦所置武帝用宦者更為中
書謁者令成帝用士人復故掌凡選置及奏下尚書曹文
書衆事

尚書僕射一人六百石本注曰著尚書事令不在則奏下
衆事尚書六人六百石本注曰成帝初置尚書四人分為
四曹常侍曹尚書主公卿事二千石曹尚書主郡國二千
石事民曹尚書主凡吏上書事客曹尚書主外國夷狄事
世祖承遵後分二千石曹又客曹為南主客曹北主客曹
凡六曹

左右丞各一人四百石本注曰掌錄文書期會左丞主吏
民章報及騶伯吏右丞假置印綬及紙筆墨諸財用庫藏

侍郎三十六人四百石本注曰一曹有六人主作文書起草令史十八人二百石本注曰曹有三主書後增劇曹三人合二十一人

錄注曰故世祖殆改田孝廉為郎即以令史久次補之

臣天麟按元帝時蕭望之領尚書事建白以為尚書百官之本國家樞机宜以通明公正

宴後庭

故用宦者非古制也宜罷中書宦官應古不近刑人之制方是時弘恭石顯相繼為中書令邪僻擅權元帝溺于近習不能有所改至成帝建始四年懲恭顯之惡遂罷中書宦官置尚書負四人分為四曹光武中興稍更其制按晉書職官志云光武以三公曹主歲盡考課諸州郡事改常侍曹為吏部曹主選奉祠祀事民曹主繕

脩工作鹽池園苑事客曹主護駕羗胡朝賀事二千石曹主詞訟事中郎官曹主水火盜賊事合為六曹并令僕二人謂之八座據此所載典範史本注小有不同然尚書雖有曹名而未以名官至灵帝以侍中梁鴻為選郎尚書於是始入樹矣考之於史章帝世韋彪上言天下樞要皆在尚書尚書之選豈可不重而間者多從郎官超升此位雖晚習文法長於應對然察少慧類無大能宜簡嘗歷州宰素有名者順帝朝李固上言陛下之有尚書犹天之^有北斗也斗為天喉舌尚書亦為陛下喉舌斗斟酌元氣運平四時尚書出納王命賦政四海誠宜審擇其人以毗聖政由此言之尚書在

東京權任之重過於西漢而遷任之輕若此宜乎政理日以浸衰也

符節令一人六百本注曰為符節臺率主符節事凡遣使掌授節尚符璽郎中四人本注曰舊二人在中主璽及虎符竹符之半者符節令史二百石本注曰掌書

魏氏春秋曰中平大

年始復節上赤葆

御史中丞一人千石本注曰御史大夫之丞也舊別監御史在殿中密舉非法及御史大夫轉為司空因別留中為御史臺率後又屬少府

治書侍御史二人六百石本注曰掌通明法律者為之凡天下諸讞疑事掌以法律當其是非侍御史十五人六百

石本注曰掌察舉非法受公卿羣吏奏事有違失舉劾之凡郊廟之祠及大朝會大封則一人監威儀有違失則劾奏蘭臺令史六百石本注曰掌奏及工印文書

右屬少府本注曰職屬少府者自太醫上林凡四官自侍中至御史皆以文屬焉承秦凡山澤陂池之稅名曰禁錢屬少府世祖改屬司農考工轉屬太僕都水屬郡國孝武帝初置水衡都尉秩比二千石別主上林苑有離宮燕休之處世祖省之并其職於少府每立秋獮刈之日輒暫置水衡都尉事訖乃罷之少府本六丞省五人省湯官織室令置丞又省上林十池監胞人長丞官者昆臺飲飛三令二十一丞又省水衡屬官令長丞尉

二十餘人章和以下中官稍廣加嘗藥太官御者鈎盾
尚

東漢會要卷第十九

